



Til:
Efni:
Upplýsingar:

petur@utu.is

Re: 1506033 - Aðalskipulag Grímsnes- og Grafningshrepps 2016-2030. Endurskoðun

Sent: 13.11.2017 14:25:18 af Trausti Baldursson, Málsnúmer: 2017100007, Bréfalyklar: 42-0 Ums almennt

Tilvísun í mál: 2017100007

Vísað er til meðfylgjandi tölvupósts frá Grímsnes- og Grafningshreppi, dags. 11. október sl., þar sem óskað er eftir umsögn Náttúrufræðistofnunar Íslands um tillögu að nýju aðalskipulagi sveitarfélagsins.

Náttúrufræðistofnun Íslands er lögbundinn umsagnaraðili um deiliskipulag á náttúruverndarsvæðum skv. 68. gr. laga um náttúruvernd en þar segir: „Við gerð deiliskipulags á náttúruverndarsvæðum, á svæðum sem njóta sérstakrar verndar skv. 61. gr. og frummatsskýrslu framkvæmdaraðila vegna mats á umhverfisáhrifum skal leita umsagnar Umhverfisstofnunar, Náttúrufræðistofnunar Íslands og viðkomandi náttúruverndarnefnda.“ Þar sem Náttúrufræðistofnun er ekki lögbundinn umsagnaraðili um aðalskipulag sveitarfélaga hefur stofnunin því miður ekki yfir að ráða mannafla til að rýna tillögur sveitarfélaga að aðalskipulagi. Engu að síður vill stofnunin koma með nokkrar almennar ábendingar eftir að hafa farið yfir gögn málsins þó ekki hafi unnist tími til að skoða tillögurnar ítarlega. Hafi Grímsnes- og Grafningshreppur áhuga á að leita til stofnunarinnar um álit á einstökum þáttum við frekari vinnslu skipulagsins verður reynt að bregðast við því eftir bestu getu. Eftirfarandi athugasemdir eru því fyrst og fremst almennar ábendingar með áherslu á náttúrufar og náttúruvernd.

Almennt má segja að í skipulagstillögunni sé tekið á flestum þeim þáttum sem skipulag þarf að fjalla um og hefðbundin skipulagskort fylgja. Minna fer hins vegar fyrir greiningu á náttúru sveitarfélagsins og að náttúrufar sé sýnt á kortum og skipulagið ætti síðan að byggja á að hluta. Í skipulaginu er t.d. kort, skipulagsuppráttur láglandi, sem sýnir ýmsa þætti landnotkunar þ.m.t. friðlýst svæði og aðrar náttúruminjar og einnig t.d. svæði sem hafa fengið heiti eins og önnur náttúruvernd og afþreyingar og ferðaþjónustusvæði, en þetta eru stór svæði í skipulaginu. Einnig er að finna ýmis góð markmið um vernd í ýmsum köflum skipulagsins.

Þó aðalskipulag sé ekki eins nákvæmt og deiliskipulag hefði mátt, eins og segir hér að framan, hafa greiningu á náttúrufari s.s. helstu jarðminjum og vistgerðum og t.d. setja fram kort yfir helstu vistlendi og búsvæði tegunda (á bls. 79 er að finna drög að slíku korti, Landgreining drög 1, sem mætti vinna áfram) sjá m.a. http://utgafa.ni.is/fjolrit/Fjolrit_54.pdf og http://utgafa.ni.is/fjolrit/Fjolrit_55.pdf. Upplýsingar um þessa þætti og fyrirhugaða landnotkun (landbúnað, skógrækt, landgræðslu, ferðaþjónustu o.s.frv.) mætti síðan tengja saman og svo m.a. við 61. gr. laga um náttúruvernd (s.s. sérstaka vernd votlendis og jarðminja) og aðrar greinar í lögnum sem kunna að eiga við, sjá hér að neðan. Þannig mætt fá mynd af áhrifum af skipulaginu og þá fjalla um hvernig skipulagið stuðlar að vernd, eða ekki, í samræmi við viðeigandi markmið í lögum um náttúruvernd. Framangreint á ekki eingöngu við svæði sem nú þegar eru friðlýst og/eða á náttúruminjakrá heldur um náttúru svæðisins almennt en með framangreindir greiningu ætti að fást nokkuð góð mynd af því hvaða náttúrufar er verið að taka

undir hina ýmsu landnotkunarflokk.

Í lögum um náttúruvernd nr. 60/2013 er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í skipulagsvinnunni verði skoðað hvernig væntanlegt aðalskipulag samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*), og einnig verði umfjöllun í skipulaginu í tengslum við einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Náttúrufræðistofnun er ljóst að þessi viðmið hafa upp að vissu marki verið skoðuð í skipulagsvinnunni hingað til en mikilvægt er að í frekari vinnslu á skipulaginu verði áhrif skipulagsins skoðuð m.t.t allra framangreindra lagagreina eftir því sem þær eiga við.

Náttúrufræðistofnun leggur áherslu á að allar ákvarðanir í skipulagsvinnunni og afstaða til þess hvaða áhrif skipulagið hefur á náttúru sveitarfélagsins byggji á sem bestum þekkingargrunni hvað varðar náttúrufar og að alltaf sé leitað leiða til að koma í veg fyrir neikvæð áhrif á náttúruna.

Virðingarfyllt

Trausti Baldursson
Náttúrufræðistofnun Íslands
Icelandic Institute of Natural History
Urriðahóltsstræti 6-8
Pósthólf 125 (P.O. Box 125)
212 Garðabær
Sími/Tele: 590 0500
Email: trausti@ni.is



Frá: Pétur Ingi Haraldsson <petur@utu.is>

Dags: 11.10.2017 21:55:27

Til: "postur@anr.is" <postur@anr.is>, "postur@for.is" <postur@for.is>, "ust@ust.is" <ust@ust.is>, "kristinn@minjastofnun.is" <kristinn@minjastofnun.is>, "samgongustofa@samgongustofa.is" <samgongustofa@samgongustofa.is>, "fiskistofa@fiskistofa.is" <fiskistofa@fiskistofa.is>, "skogur@skogur.is" <skogur@skogur.is>, "hsl@sudurland.is" <hsl@sudurland.is>, "upplýsingar@ferdamalastofa.is" <upplýsingar@ferdamalastofa.is>, "skrifstofa@vedur.is" <skrifstofa@vedur.is>, "landsnet@landsnet.is" <landsnet@landsnet.is>, "hruni@fludir.is" <hruni@fludir.is>, "blaskogabyggd@blaskogabyggd.is" <blaskogabyggd@blaskogabyggd.is>, Sveitarstjóri Flóahrepps <floahreppur@floahreppur.is>, "rarik@rarik.is" <rarik@rarik.is>, "olb@vegagerdin.is" <olb@vegagerdin.is>, "ni@ni.is" <ni@ni.is>, "olfus@olfus.is" <olfus@olfus.is>, "mos@mos.is" <mos@mos.is>

Efni: 1506033 - Aðalskipulag Grímsnes- og Grafningshrepps 2016-2030. Endurskoðun

Sveitarstjórn Grímsnes- og Grafningshrepps hefur um nokkurt skeið unnið að heildarendurskoðun aðalskipulags sveitarfélagsins. Liggur nú fyrir tillaga að aðalskipulaginu og áður en sveitarstjórn tekur hana til afgreiðslu skv. 3. mgr. 30. gr. skipulagslaga nr. 123/2010 er hún hér send umsagnaraðilum til kynningar.

Gögn aðalskipulagsins má nálgast á vefslóðinni

<http://www.sbf.is/skipulagsauglysing-sem-birtist-12-oktober-2017/>

Óskað er eftir að umsagnir berist innan fjögurra vikna frá móttöku þessa bréfs.

Með kveðju,

f.h. sveitarstjórnar Grímsnes- og Grafningshrepps

Pétur Ingi Haraldsson
Skipulagsfulltrúi

Umhverfis- og tæknisvið Uppsveita

Dalbraut 12, 840 Laugarvatni

Sími: 480 5550

Netfang: petur@utu.is

Vefsíða: www.sbf.is

